


Nahalan tepu Ujaolaitep (Bible) Hauptampu

Kahta mongshangpu ukongwang



Nyanpupa: Edward Hughes

Akhei: Gangkhei Konyak

Lepnetam pupa: Akhei (Gangkhei-Konyak): Byron Unger; Lazarus

Paune tampupa: M. Maillot; Tammy S.

Pungao 2 mepu 60

www.M1914.org

Bible for Children, PO Box 3, Winnipeg, MB R3C 2G1 Canada

License: Hatao pungaolai nange photo copy hei print ne ningpu ok lak,
huyangpoi hatao-a yao lakjingne yeji (Yaolak jingne teannang).

Konyak

KAHWANGE USHEI LING!
Aope Kahwange uwangpa kahta
ling, Adam, Iya Eden pesha me
I sheko Eve phe ngohyangki.




Imni honglimongmei pu phe
wangheingoi pu hei uyinshin
pume chingnyaoi nyihphi pute
I sheshao me noghe pei ...






Pu we Eve te tong "Uting me pesha me mgohpu pee hanghe pepu-o tah hah she Kahwange i a?"

3



Yawe jane i, "pee lick tuman-e hahpu oklak, hapoi ja-a ye hah ok lak," "Hatao pee lick hah ma a or jon ma-a, tuman likak." Puwe lu we "Nang ye li lak".

4



"Nang-o Kahwang kih-e minglak". Eve a hatao pee lick hah wao-e ngi. Yha e Pu ngojai huyange pee lick hah.

5




Taophei me Eve Kahwang ngaoyejai huyange Adam te-o hatao pee lick hahne tam. Adam e i shihpang, "Yeji! Taowe Kahwang ngao yejai pe ye ngoh lak."

6



Aope Adam hei Eve nye Unu om, Imni e moinye pumking me ngohnang she shinge pei. Phukyaklan shingyange, Imni nyingnyingte Kahwangme pu yanne phomtup me lu ngoh.

7




Wangshem pu unponghipak jame youngwanpa Kahwang pesha te pei. Adam hei Eve nye-e lingyangpu Iye shing. Adam e Eve te umingpha. Eve we Pu te umingpha. Kahwange I, "Pute phuie tam. Taowe nang nao ngohwante shangshih unyei ngaitamlak nang shaoshiye nao wangngai ngelak."

8

"Adam, nange unu ompu jingne, kahtok a huk heihing lanphei phoi tamwumpu shah nang. Huyange nangjing shetame Wanglum ngaie hei nange nyihjeih hah lak tuolak."




9




Kahwange Adam hei Eve nye yashanmeipu Eden pasha mepu taine tam. Imni-e unu ompujingne, Kahwange phapu uyinme pu jange tei!

10




Iman uyin ngohlakne Kahwange kah toilinglak kowe linge tam. Kahwange meisho inkhek linge Adam hei Eve nyeimni te inetam. Kahwange umpu mepu usho yahpu shi?

11




Tuo hipakme, Adam hei Eve nye noksha jane mingne tam. Cain, Imni uwangpa ha, a kahhampane meng. Nyeshepupa ha, Abel a, Nyee yum pane meng. Nyihja Cain ne kahtokme lickpu Youngwanpa tangte dopu yahpei.

12



Abelwe-o iye yumpu yomepu shemeipu Nyee haja Youngwanpa tangte yahe pei. Abel's huyange Iye dopu te Youngwanpa we mongmeishei e yah.

13



Cain's huyange Iye dopu te Youngwanpa mongye hah. Taokei Kan-a yeonge mongshih ngai. Hapoi Kahwange i, "Nange khakshupu lingshah ma-a, nange phapu ye yahlak a?"


14

Cain's mongshingai pu yetaipe ngoh. Hipak uden japhei me Iye Abel pheii tui-e Cain yong, huyange I toi!



15

Huyange Youngwanpae Cain te I. "Nang nao Abel upu?" Iye janne I, "Tao we yeshing," "Tao a unao yuppa a?" Kahwange Cain shaoshine tamne Imepu kahhum lakmepu yanne tam, huyange kahtoknyu me chingtaipa huyange wa-e kempa jane meangtam.




16

Cain Youngwanpa sheshao mepu taimah. I a Adam hei Eve nye uha naoya pheii nokne ming. Iman noksha younge ngai. Mamshe, Cain's huyimlan hei hushun lane Cainne lingpu chingnyo maa-e tam.



17

Taokhei, Adam hei Eve noksha lan yeong mamshe jaatei. Tao hipakme, kahtalan a tenyih pu jinpheii a, yeong wangping luo we jingnyoi pei.



18

Aope Iha Seth puhyahpeih, Evewe I, "Kahwange ute Seth a Abel nanlei ne pha." Seth a kahwang shingpu kahtaja; aohipa wangping 912 chingnyoi huyange huha lan maa-e ngoh.




19

Aope Chahwanyu me kahta jalune wang puphei jimjim she unu uming-o jinjapheime ja she maawe ngai. Ukimne, Kahwange kahtanyoha mahtamlakne tem ...




20

... kahta nyuha ao taowe linge ngai, kahta hei yinmok, hei wang awha she taowe kahtok nyu mepu mahne tamlak; Hangjingne iman linge ngaipu jingne Tao mong yemei ...



21

Hatao kahta a Noah. Seth huyayim lan mepu, Naoh a jaoshipuphei huyange hango uming ye nangpe ngoh. Noah Kahwang phei kem.



22

Iye Iha naoshi lum te-o Youngwanpa ngaojai lakne nyuo tam.



23

Shaaji Youngwanpawe yeonge yoiyoi huyange shemeipupa lum me Noah jonloakne tum.



24

Kahta mongshangpu ukongwang

Hatao punago-a Kahwang Ujao laitep mepu ngohngang. (Bible Pungao)

Hatao tuo pu a

Kahtamyenghan 3-6

"Nang ngaolan-e wangnagi pha nang."
Tuowelaihem 119:130



Hanghipa Iye unu she min pu, tumane lingyangpu unulan Kahwange shingngang. Lipu-a unu kao ngohngang.

Kahwange huke, ken pu-e I halompa shon, Jesu, tangpem me tuman unu jingne li. Taophei me Jesu uyinme leih e ye huyange wangdang te yimah! Shaaji Youngwanpawe toman unulan winkulak.

Nang unu lanmepu yan hu ma-a hatao keih-e Kahwangpa te I toh: Oh Kahwang, Jesu U jingne li huyang-e nye she yange yi she tao uting lakngang. Jingmeilamling-e utangte pei-e U anolan winyangpha, taokhei taowe uyin ula taolak, huyange jinjin te nangphei ngohlak. Nangha keih-e nangphei ngohlak ne jim pha. Amen. John 3:16

Bable iye yange nyihjeih Kahwangphei ngaotoh!